



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 21. Adolphus Archiepiscopus Coloniensis depositus.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII. *adhibito Regis Hierosolymæ & Hospitaliariorum auxilio, ad obediendum compelleretur.*
 A. C. 1205.

§. XXI.

Adolphus Archiepiscopus Coloniensis depositus.

Ann. Godesf. 1204. In Germania ad Philippum Sueviæ inclinabat victoria; jamque sub finem anni superioris in partes suas pertraxerat *Arnob. Lub. 7. c. 1.* Adolphum Archiepiscopum Coloniensem, qui Ottonem Saxoniam cornayerat, nam is atque Dux Brabantiam ad Philippum, post Festum S. Martini anno millesimo ducentesimo quarto, profecti, ambo fidem Imperatori suo jurejurando obstrinxerunt. Eodem anno cum Philippus omnibus Principibus tunc presentibus Comitibus solemniter in Festo Epiphaniæ Aquisgrani celebranda indixisset, adfuit præfixa die & Adolphus Coloniensis, multis Clericis famulisque Archiepiscopum comitantibus. Tunc vero Philippus, ut palam profiteretur, per se quidem liberrimam eligendi facultatem Principibus Imperii esse, coronam deposuit. At illi secundo eundem Regem Romanorum eligunt; quem deinde Archiepiscopus Coloniensis cum Regina Maria conjuge sua inauguravit.

Con-

Consumti jam erant menses tres, ex Sæcul. XIII.
 quo Pontifex mutatum Archiepiscopi A. C. 1205.
 animum inaudierat; quem postquam sæ-
 pius & frustra officii sui commonuisset, de negot.
 data ad Sigefridum Archiepiscopum Mo- Imp. ep. 113.
 guntinum, Joannem Episcopum Came-
 racensem & Brunonem Præpositum Bo-
 nensem Epistola, jussit eos Coloniam ire,
 Clericorum præcipuos convocare, ipsis-
 que præsentibus Adolpho Archiepiscopo
 præcipere, ut fidem jurejurando datam
 Regi Ottoni servaret. Tum addidit;
 Clericos populumque Coloniensem ad
 fidem Ottoni præstandam hortarentur.
 Hæc Epistola vigesima nona Octobris
 anno millesimo ducentesimo quarto da-
 ta. Ut his mandatis morem gererent
 Archiepiscopus Moguntinus & Episcopus
 Cameracensis, cum haud procul a Co-
 lonia abessent, dum Adolphus Archiepi-
 scopus Philippum Regem ungebat, ex-
 communicationis pœnam comminati
 sunt, res novas molienti. Cum hæc a-
 gerentur, Rex Otto Coloniæ morbo de-
 tinebatur.

Godef.

Ubi vero ad Papam delatum, quod
 Adolphus Philippum coronasset, literas
 ad Archiepiscopum Moguntinum &
 Scholasticum S. Gereonis Coloniæ de-
 dit, in quibus summatim dicit: Post- de negot. 116
 quam Adolphus Archiepiscopus Regem Arnold. 7.
 Ottonem coronasset, fide ei edito jureju- c. 3.
 rando

F 2

rando

Sæcul. XIII.
A. C. 1205.

Innocentii
Papæ Epi-
stola.

rando promissa, vehementer nos rogavit, ut, quod egisset, nostra auctoritate firmavimus. Quod ubi a nobis obtinuit, titubare cepit, & pretextum querere, quo suum ipse opus destrueret. Non tamen animum suum ita dissimulare potuit, ut nobis perfidia non suboleret. Itaque de periculo moniti alterum ab eo iuramentum exegimus, quo promisit, nunquam fore, ut causam Regis Ottonis destitueret. Nos vero nihil omisimus, quo hanc mentem conservavimus. Sed ecce tibi, his omnibus non obstantibus, accepta pecunia, ut fertur, corruptus prodidit Dominum suum & palam Philippum Ducem Sueviæ secutus, eundem nuper solemniter Aquisgrani coronavit, illa ipsa urbe, ubi ante coronam Ottonis Regis capiti imposuerat, immemor, Philippum hunc excommunicationis sententia fuisse percussum, quam in eum Guido, nunc Archiepiscopus Remensis, tunc autem Episcopus Prænestinus, & Legatus noster, in Ecclesia S. Petri Coloniae intorserunt, præsertim ingenti populi multitudine, ipsoque Adolpho stolam e collo gestante, cereum accensum manu tenente, ac contra eos omnes, qui relicto Ottone ad partes Philippi transirent, anathema pronunciantes. Ne igitur populus Coloniensis, qui ad huc Ottoni fidem servat, seducatur, vobis præcipimus;
Archiepiscopus

Archiepiscopum, pulsatis campanis & Sæcul. XIII.
 accensis facibus, singulis diebus Domini- A.C. 1205.
 cis & Festis excommunicatum denuncia-
 te. Præterea in omnibus Ecclesiis Co-
 loniæ & propinquis Diœcesibus promul-
 gari curate, omnes Suffraganeos & Va-
 sallos Ecclesiæ Coloniensis a fide Adolpbo
 data esse liberatos. Ne etiam pessimi
 exempli facinus inultum auferat, Adolp-
 bum, nisi intra mensis unius spatium
 ipse in conspectum nostrum veniat, Sa-
 cræ Sedis iudicium subiturus, districte
 præcipimus, ab Episcopatu deponite, &
 facite, ut alius Archiepiscopus ab iis,
 quibus jus est, eligatur. Si differatur
 electio & longa sit mora, interim cu-
 ram & regimen bonorum Ecclesiæ Co-
 loniensis viro prudenti & potenti com-
 mittite.

Hæc Epistola die decima tertia Mar-
 tii anno millesimo ducentesimo quinto
 data (*).

F 3

Ut

(*) Cum, anno millesimo septingentesimo
 secundo, in bello exorto de successione in Re-
 gna Hispaniarum, Serenissimi Elector Bavariz
 Maximilianus II. Augustissimi Imperatoris Ca-
 roli VII. parens, Heros inclytus, & partis de
 Turcis in Hungaria victoriis celebratissimus, at-
 que ipsius frater Josephus Clemens Elector Co-
 loniensis arma Imperatori Leopoldo & Impe-
 rio

Sæcul. XIII.
A.C. 1205.

Ut hæc mandata exequerentur, Sigefridus Archiepiscopus Moguntinus & Joannes Episcopus Cameracensis, Coloniæ delati, omnibus Clericis populoque præsentibus, in Ecclesia Metropolitana S. Petri, excommunicationis sententia in Adolphum Archiepiscopum denunciata, id ipsum in omnibus Ecclesiis Monasteriorum & Parochialibus, omnibus diebus Dominicis & Festis, vulgari jufferunt.

Godes. an.
1205.

In Festo Pentecostes, quod hoc anno millesimo ducentesimo quinto in diem vigesimam nonam Maji incidebat, cum Rex Philippus Comitibus publicis Spiræ ageret, Adolpho Archiepiscopo contra cives Colonienses querelas movente, ejusdem precibus & Principum confi-

rio intulissent, ideoque, Bavaria occupata, anno millesimo septingentesimo sexto, ab Imperatore Josepho, Leopoldi filio, Banno Imperii percussi fuissent, non legimus Clementem XI. Pontificem maximum vel excommunicationis vel depositionis pœnam Josepho Clementi comminatum fuisse, quem tamen rigorem Innocentius III. Papa in Adolphum Archiepiscopum Coloniensem sua ætate adhibuit. Unde studiosus Historiæ Ecclesiasticæ lector discrimen in Disciplina Ecclesiastica primorum, mediorum, & postremorum sæculorum facile observabit.

consilio dedit, ut contra hanc urbem ex-
 ercitus admovere statueret. Inter hæc, Sæcul. XIII.
A. C. 1205.
 præstituta Adolpho die, qua Judicio Pa-
 pæ se submittere debuisset, elapsa, Pa-
 pæ Mandatarii in majore Ecclesia Co-
 loniensi, Rege Ottone, multisque Prin-
 cipibus, Clericis, populoque præsentibus,
 in Festo S. Gervasii, die decimano-
 na Junii, eum deponunt, jubentque al-
 lium Archiepiscopum eligi. Itaque
 Bruno Præpositus Bonensis Adolpho per
 suffragia subrogatur, quod illico ma-
 gnum belli incendium in diversis Diœ-
 cesis Coloniensis locis inter sectatores
 hinc unius inde alterius Archiepiscopi
 excitavit. Bellum comitabantur latro-
 cinia & ignes, direpta Ecclesiarum bo-
 na, cives & pauperes spoliati, urbs Co-
 loniensis ab hostibus terram Rhenumque
 occupantibus obsessa. Mense Decem-
 bri Rex Philippus valido cinctus exer-
 citu ad urbis mœnia advenit, eaque per
 quinque continuos dies oppugnavit.
 Sed intelligens Coloniam modo supera-
 ri non posse, inde revocato milite No-
 vesium obsedit, quam urbem initis con-
 ditionibus receptam Adolpho tradidit.
 Hæc ex actis contra hunc Præsulem fe-
 cuta sunt. Tum Coloniæ literæ Pon-
 tificis promulgatæ, quibus Episcopi bo-
 norum Ecclesiasticorum usurpatores ex-
 communicare, eorumque ditiones In-

p. 116.

F 4 terdi-

Sæcul. XIII. terdicto subjicere jubebantur. Sed isto
A.C. 1205. rigore Laicorum animos contra Cleri-
 cos magis accendente, eorum agros de-
 populati, omnes Ecclesiasticorum redi-
 tus integro biennio occuparunt; unde
 illi thesaurum & vasa argentea Ecclesia-
 rum vendere coacti. Ceterum Papa
 §. ep. 170. Brunoni licentiam concessit, qua sua Be-
 ap. Rain. an. 1205. n. 47. neficia ad biennium fervaret, & ab alio
 Episcopo, Suffraganeis suis id recusanti-
 bus, ordinari posset.

§. XXII.

*Schisma in Electione Archiepiscopi
Cantuariensis.*

Matth. Par. In Anglia Huberto Archiepiscopo Can-
an. 1205. tuariensi, decima tertia Julii anno
 millesimo ducentesimo quinto, postquam
 hanc Sedem annos undecim & octo
 menses tenuisset, defuncto, antequam
 terræ mandaretur, quidam ex juniori-
 bus Cantuariensis Monasterii Renaldum,
 Subpriorem suum, Archiepiscopum se-
 creto eligunt, tumque media nocte *Te*
Deum Laudamus decantato, electum
 primo super Altare majus, & deinde su-
 per Cathedram Pontificalem imponunt.
 Statim etiam juramentum ab eo exi-
 gunt, ipsum electionem peractam non
 manifestaturum, nisi id faciendi licen-
 tiam, scripto concessam, a Congregatio-
 ne